



西齋丁卯詩

興化王仲儒景州著

武義朱慎其恭

平山崔岱齊青峙

選

元日

舊臘沉沉去頽年閨闈加江湖連朔氣水雪耀貧  
家地濕兒支履廚喧婢墮花老夫無一事詩酒辦  
生涯

雲物人言好遙占歲稔歡一冬稀雪色十日早春

盤爐火動晨凍海天生暮寒他時粗飯足談笑報  
平安

堂上瞻圖畫人間聚弟昆老增何所願詩在尚堪  
論是物有新意此身孤舊恩天池曾望徙終作北  
溟鯤

栗里知天運看兒只把杯薄躬無可肖小子得非  
才空碧奇毛起風雲汗血來我家應未乏佇立思  
悠哉

歲首寒偏厲如今北極高微微初日上慘慘夕風

號舉世榮皮服空山減獸毛生年過五十衣布幾  
時豪

坐上閒花藥冬暄半已開山城曾隔嶺元日早殘  
梅女弱吾難住家還壻獨來眼中誰忍見衰經數  
嬰孩

檢曆生涯窄開春物態饒朋來皆醉日天壽卽花  
朝得喪吾何有炎涼世正囂千秋爽鳩氏作樂竟  
迢迢

民物會同患蹉跎豈異情雪深蝗似絕秋到雁休

驚小縣蒙天顧多年想地平禹功今盡望初載及

王正 時司空擬于是月開河

李明府堂上元夜

晚色風微紫烟霏夜又澄碧天荒澤月朱戶錦堂  
燈盼望饑民集謳吟哲匠能果然豐樂世春興始  
須乘

贈李台尹

雪滿春城醉起遲竹爐花案把君詩泱泱實競齊  
風大渺渺猶懸楚望疑荷雨天遙分翠蓋燈宵酒

罷問紅蕤餘年約共耽高枕嫖忽浮雲夙有思

謝泰興張芝園舍人見遺梓拙集貲

感君念我吟詩苦執手荒江語不休遂向天涯輕  
長物真憑身後有千秋摧藏晚計無非拙寂寞微  
名等是浮一卷未能隨遠客先傳高義到 皇州

送李四兄元水入楚

生事勞勞苦不停離蹤今又隔空冥春淡亂雁辭  
江縣老去孤舟犯洞庭芳草尚連三戶碧遙峰都  
讓九疑青千金裝定何時滿歸對寒燈話客亭

任念紹攜酒就鴻硯齋梅花

雙柯海縣稀徑石自因依樹老繁枝少春融凍蘂  
肥故人俱白髮高會又斜暉未到全開日應無一  
片飛

人世方多事春風醉幾場日沉花始白僕到酒先  
香燈火懷荒徑續紛似此堂可憐餘一樹數朶報  
年芳

敘別

老馬繫短轅不識千里路空懷偏秣心未受良樂

顧振鬣一鳴嘶筋力苦垂暮驤首風蕭蕭慘淡增  
長慮天閒富雄姿翦拂矜榮遇泥沙澀四蹄焉得  
生毛羽苟非荆榛中且擬縱橫去

出門顧妻孥刺刺語頗耻饑寒乃中人斯事須料  
理兒女嬌情餘村墅波浪裏顛顛壯顏凋百端來  
依倚幡然舍之去去去勿復止浮雲南北馳儵忽  
千萬里

一弟最難別諸昆中外親間里足交游同心來數  
人握手亦何言此行良苦辛暑雨漸蒸濕編舸塞

通津取次入京華面受紫陌塵  
已作出門計浩蕩難復留因我骨肉言重此行邁  
愁徬徨語家人細瑣無良謀猗猗中庭蘭綠葉沃  
且柔檻西新移桂芬芳待高秋尋常濁酒杯花前  
多獻酬炎風旦暮吹清簟永晝幽放歌聊適意于  
世吾何求萬慮忽怱怱去住不自由柴扉從此閉  
相望成阻修蒼葭下霜雁會有烟湖舟

釣臺

晨風鳴淮陰楚岸驚沙來滔滔濁水波東下韓侯

臺弓藏走狗烹虞人安在哉嗟今利名客馳騫何  
當迴

當其驚一軍威名震天地悔甚長樂鐘悲哉南越  
裔漂母餘空祠少年誰壯士浮雲亂風中青霄但  
高寄 淮陰死客匿其孤跳之尉佗所養之去韓之  
偏殉爲韋氏今尚存見書影

漂母祠

欲薦溪毛驛路中鉢池山畔走征蓬先時亭長徒  
爲德賤日王孫早自雄淮曲孤祠天地在城西雙

墓水烟通千金報後三人盡剩有悲歌向大風墓  
與韓母墓相對留侯云捐之此三人則楚可破也

### 渡河行

驚沙颯颯高摩空黃河三日多烈風檣開逆浪水  
雪裂迴激不得隨枯蓬稍憐迅駛又復住觸淺恐  
冒重圍中舳艫久沒露其尾白日漸下迷西東前  
愁撐拒後防溜眴眼一失人無功櫓搖汗雨氣力  
竭極叫忽與洪流通船頭却轉向來路耳畔惟聽  
波颯颯橫簸側蕩欲俯臥宛如沉醉衰頽翁夾岸

絕羨茅上屋羣魚在窟蛟螭宮良久方能脫險出  
此事豈不由蒼穹是時舟人盡變色我亦四顧心  
忪忪人生安危判俄頃巨川平陸將無同長劍快  
戟伏几榻玄蠶赤螿生房櫳絲竹在陳月照席歌  
舞正逗花光紅肴蒸未畢片紙到銀鐙上馬何匆  
匆賢聖端居足儆戒入坎怖畏非豪雄

### 五日舟中作

朱炎氣候尚清和一笑佳辰客裏過世事萬端催  
白髮年光五日到黃河風沙儻忽蓬科亂畚鍤頻

煩竹櫂多回首司空在荒縣濬川辛苦近如何  
海波亭外峭帆輕三宿焦岩見客情絕岸總輸吳  
嶺翠洪河原讓楚江清風來松閣談俱令雨送蒲  
觴句早成今日津途思小弟遠從孤館話吾行  
去  
年五日在焦山

危檣前去逼鍾吾上谷迢迢未半途淹泊可應諸  
念寂羈離誰許一愁無新芽嫩葉閒花徑片月微  
風背酒徒料得兒曹偏解事西堂依舊坐分蒲  
端居誰遣北平遊日日天風蕩客舟羽畎遠迷荒

草去龍門高洒碧空流雲帆稊稻來王會海國關  
梁接 帝州里舍酒香亭午際滿城兒女擲紅榴  
古城

孤檣裊裊傷晴沙九曲洪流此一涯虎鬪風餘先  
主廟馬嘶日落野人家溪堂遺像空塵幕荒驛炎  
天缺渚花把劍欲銷黃壤恨尺書三上到今嗟  
關  
侯三上張翼德書有不緣社稷傾危仁兄無儔則  
以三尺劍報將軍使異日無愧黃壤等語米南宮  
書帖見書影

宿遷



風檣日旆大河灣不分中流亦度關去國迴瞻公  
路浦懷人獨立馬陵山蒼茫晚節埃塵裏局促長  
途暑濕間 聖主深仁津吏貴誰陳寬政動 天  
顏

自宿遷之嶧

此生定分背鄉關尚憶天南久未還舟楫遠通鄉  
子國風烟近接隱君山兩邊葭菼澄波上幾處鷗  
鷄夕照間何似故園湖外住古堂夏木晝閒閒

臺莊

驚魂帆影駐臺莊野渡畱人白晝長川狹夥頤闐  
大舶月明邪許動危檣吟孤只對羣山靜坐久還  
禁淺夜涼漸逼炎歊波浪澀疎簾清簟感茫茫

石佛寺有孟津宗伯懷友詩石碣鄭西亭屬

余紀以詩適石林太史至

曠原莽莽坐乘風宗伯畱題歎絕工繫棹幾時投  
石佛看碑終日倚花宮青林影轉閒穿燕紫海波  
遙靜戲鴻雒誦當年懷友作故人剛到夕陽中

石佛開生日

五月二十六日

歛翁當炎晝羈離入晚年愁看上闌路困倚夕陽  
船故國在何處閒庭應寂然尋常兄弟樂今夜夢  
相牽

但覺年華去誰悲世事空徑來叅石佛無語對天  
風道路關梁裏雲霄暑濕中故人何處到傾酒慰  
衰翁

臨清大寧寺納涼

傑閣臨東郡禪枝啓北扉遠人逃暑入終日受風  
歸境寂添蟬噪關巖羨鳥飛多年休夏約慚愧故

交違

晚泊

路入甘陵夕望迷經過數驛趙兼齊殘陽亂下廉  
頗墓澗水長環伯鯨堤世事苦多衰齒逼秋禾愁  
絕遠天低不知浩蕩堯咨日幾點高原見荷犁

示黃壻玉繩

老夫隨船來爲時亦未久蓬底四旬餘已跨高驪  
走却憶風波間簸蕩終日有重關困行色上闌苦  
坐守汗流不得洗朱光照垂首生平頗愛潔暑溽

饒積垢疥癬復滋蔓爬搔倦雙手會期到官舍鬱  
抱迅隨帝淹遲秋節逼氣似露白後今日旦雷雨喧  
中庭漲清瀏疑惑江淮天早稼得獲否京國寡素  
交去恐昧餽口問年翁已衰在世生原餽空思刺  
齒肥真覺戴笠醜萬事蟠心胸焉能任杯酒

與劉雨峰

客子心情正黯然炎風攜手薊門天津檣驛騎來  
三月酒面吟襟別九年生事又拋京雨後家書難  
到軟塵邊五陵少俊飛揚甚君看衰容豈世賢

華髮蕭蕭久似銀 帝城風物眼中新猶從短櫪  
悲羈馬會過長溝歎獲麟近日談詩多哲匠當時  
縱酒少同人與君徒倚秋雲下片雨聊清紫陌塵  
前年吾弟謁 皇都歸話朋游頗未孤最是劉郎  
情不薄相於燕市酒爲徒風沙雁影連雲隔烟月  
龍江進艇無夜向碧空回首望斗間磊落數神珠  
送劉後齋粵西典試

百粵遙瞻使節臨騾綱秋曉去駸駸到時桂子三  
峰落歸日梅花五嶺淡官舍水惟分白竹 帝城

臺又築黃金懸知鎖院清宵坐霜月空天樂衛心  
喬石林向奉此差劉是其壻

親串過從古北平幾回高燭戀朋情吾衰誤作三  
秋夢君壯當爲萬里行翠羽寒時霑雪片蠻山花  
裏聽江聲吟詩送遠兼相別野老柴門計已成

別家人岳大鴻臚

平生山左是家鄉吏部宮詹雁作行後輩姓名誰  
暗記先生聞望重明光交滾自信前期好意厚全  
薰逆旅涼遙憶阿貽閒嘯日年來能否鬢無霜

謂

阮亭

蕭晨涼雨治行時會面無多自此辭萬里雲霄看  
矯翼五湖烟水憶垂絲冰霜客夢還家早裘馬征  
塵數驛遲載得良書報吳季遠憐燈火對相思

謂

吳大兄北海

贈田肯齋員外

荻岸蓮塘有釣絲平生遭遇感心期詩懸遼海先  
蒙顧人到神京竟不知雨後高軒相過早秋淡長  
路恐歸遲江南大好畱連地旌節何年慰所思

田

於承德公處見余詩黃叔威來京知余在便枉訪  
此余報謁皆未遇

### 秋興

玉河烟柳尚垂條誰道幽州木早凋  
曉日殿庭高燕雀秋風城闕滿  
笳簫醉看短劍鈎陳暮夢汎靈  
槎絕漢遙檢束書囊出都市數聲班馬去蕭蕭  
璿榜金題霄漢間園陵天壽杳空山九門落日驅  
馳入萬乘清秋射鹿還督亢展圖皆沃野居庸當  
塞本雄關涼飈驟卷鳴珂陌亂葉驚沙灑客顏  
宣武丹樓落日懸白頭人到感髻年邊風易掃鯨

鯢迹宿草難蘇鹿馬天事去廟謨惟巷戰時危黨  
議尚朝賢於今一統無中外義鼓鳴殘曆數遷

碧草丹崖累百層超空天駟歛驍騰 君王神武

真無敵講讀餘閒興屢乘西極健兒爭搏虎東方  
諸國早呈鷹上林羽獵誰工賦再見卿雲接迹升  
閒倚殘陽拂敝衣艱難川陸計全非空臺定合將  
金策駿馬還應裹骨歸酒夜模糊歌郢曲江秋迢  
遞夢荆扉身名似舊朱顏改明日城西看打圍

家崑繩坐喬無功一峰草堂余與宋穉恭過

之因同家方若及二子飲明日雨崑繩留  
又集喬十作詩次和

迷誤走涂泥多時負清夜問知數子聚得共淡院  
話微風散暮色好月不須借餅酒落提攜爭嘗帽  
相亞長安雞猪貴梨栗當行炙林寬少從容令嚴  
帶呼吒大戶名頗虛隸藉豈蒙赦堂中火換跋簾  
外光滿榭少年縱笑謔誇數北里姪歷亂起蓬心  
空房竟何藉飲多麪味出四體作春醪人醉昧繁  
雲庭曉怪流汙我將去京華待晴早發駕如斯日

行樂更乞明河瀉

宋稗恭以詩贈別次韻賦答

他日楓亭去如今黍谷來萬山吟落葉三歲改條  
枚貢使鷹爭入征夫馬又廻中情可矜尚何必用  
行媒

故里原鄰近津途就我家北風春尚厲西舍酒能  
賒砌樹青初葉窗燈碧舊紗把詩回首望霜月見  
烟槎

袁宗安書來

跼步眺青冥孤星動西壁陽光雖未收天時已趨  
夕餘曛不可係晦月又抱魄故人尺書至舉燭却  
就席相去曾幾時數語太愁劇塵蒙對牀屋霧合  
鳴珂陌君本鷓鴣姿暫受腐鼠嚇老夫頗早見預  
逐南雁翼悲君在逆旅尚稱金臺客宋生亦樗散  
牽拂歸不得世態盛炎涼何由慰眠食緬懷益惆  
悵主人怪我色敬謝勿復疑我曹方偏側

古詩

灼灼春園花惠風吹其間東皇使之榮色態非一

端結實未可料滋芳早爭妍變彼游冶女擢素迴  
縈奪鮮華朝暮變棄擲誰復憐一承薌澤歡永絕  
雨露緣何如空山樹開落枝條邊

喬松凌層霄修竹挺積雪當風不欹蓋在土先有  
節而無三春姿不預衆芳列天天桃李花穠艷自  
矜絕但蒙閨中憐誰惜路傍折羣情喜柔媚萬物  
憚孤潔搖落見後凋驚嗟孰云哲

八月廿九日

先君忌日

遠道三秋晚餘生八載孤後來無善狀空在有微

軀計日霜前恨牽衣夢裏呼乍醒常起坐還擬鯉  
庭趨

家祭雖憑弟神來定憶兒流光如此速寸草至今  
遲獨夜露牀淚蕭晨滿鏡絲空餘千里外心絕蓼  
莪詩

與黃孚菴

數曆崢嶸暮思家黯淡貧阻饑連楚塞求飽到周  
親瘦馬空知路寒花不受春一哀清夜迫短燭見  
酸辛

夏杪來相傍秋高復此亭跨驢過北闕看鷄舞南  
溟酒面吟殘白霜燈坐久青歸裝須早計一喚旅  
愁醒

寄懷舍弟

自別秦亭路經秋未得書艱虞渾似昔判隔豈云  
初歸後隨陽雁行同在轍魚憑誰問家信上策比  
何如

有子非良駟追風望姪先孤清思祖德謹慎見渠  
賢安得人歸楚相逢騎入燕手摩好顏面狂笑向



霜天

每到艱虞極孤思念老親餘生難問世不死愧爲  
人桃李爭三月松筠後一春夢迴時恍惚省覲得  
非真

所恨三生累今爲兒女愁書來聞吉日色動倚  
皇州夏屋徒空住秋禾竟未收客亭蕭瑟甚虛向  
老夫求

九日作

九日天氣佳南風尚微扇平舒土俗異饒養曾未

見但聞鉦鼙聲號呶賽神宴主人命圉隸牽馬出  
淡院城北綠楊寺是我意所戀西郊百貨集亦足  
暫流眄同行六七騎馴劣各自便未遽向林憩且  
復緣郭旋軌道頗寬平村墟間葱蒨揚策風入耳  
脫轡沙到面遂指柳堤來橋南認秋殿清陰最明  
瑟黃葉幾時變前臨太保村叢柯似江甸露寒聞  
過雁候暖見飛燕平生重陽節寓目只鄉縣往者  
劍浦行永晝高閣醺崇山列四圍潭鱸入華饌獨  
憐少菊花猶賒桂香徧酒徒縱談笑慰我客遊倦

回首忽五年存沒爭一眴遐征久搖落窮栖祇迷  
眩登望亦何心庶使羈愁遣柴門念我弟青溪散  
文戰能否賀勝歸將無阿咸善尋常湖蟹肥次第  
溪菱薦憑高定相憶此境吾更羨焉知長途客臨  
風淚如綫

客大城黃叔威至

羈愁無賴只高眠九月風和過午天夢裏驚聞來  
遠客朦朧推枕到門前  
君在郎山對菊花豈忘前約在京華平舒城外垂

楊寺坐望征塵過日斜

如此頭顱滿雪霜男兒須是鬪身強三更相對談  
何事短燭殘卮淚數行

被酒與叔威話輒作以贈

身是滄洲客難爲人所憐醉來頻斫地夢去忽捫  
天寂莫耕岩日崢嶸釣渭年因君歌益壯和罷舞  
翩翩

昨自京華返登車別汝來初日宛將上九關猶未  
開神光留殿闕人跡徧塵埃樂劇今誰在城南空

故臺

夜坐

高槐出前垣片月秋皎皎孤吟向夜分看殺雙栖鳥

不寐與孚菴

我今何爲在直北淡夜獨坐聽更聲燭光射眼欲  
早臥枕上反側無夢成幾番投袂歸不得舉橐廓  
落當風輕關河二千有餘路况乃不獨憂行程家  
鄉八月書信到薄田莫償三春耕已愁旦暮缺餽

粥復報女壻誣親迎生產蕩析倚賴絕齋貸久絕  
親朋情苾苾萬緒擾胸臆展卷聊冀心神清楚騷  
杜集性所愛發口都作哀猿鳴柴門此際正蕭瑟  
骨肉悵望如遭醒燈花噪鵲劇誕妄三占四揲虛  
屏營謂我行李必在道豈知淹滯絃歌城滿頭白  
髮過五十來日苦少嗟餘生腹中車輪轉不歇卽  
非飽飯長彭亨握圖斷喉愚可歎力作理遣終難  
平春來錯料一秋事便思苦葉凌滄瀛計疎時過  
竟蹉跌短劍慘慘收光晶幸假羽毛返故里遂見

蘭桂芳前楹兼金解包說高義糴穀亦市雙葱珩  
所願誠奢意私怯片語未吐顏先頰叔牙敬仲古  
朋友爾我昏姻還弟兄

別黃孚菴

那得郵亭要馬騎烟帆秋晚路倭遲枝梧儉歲貧  
家苦檢點空羸弱女疑每勸加餐真見慣纔言分  
袂早相思關河此去風霜急怕記驕陽甚雨時  
漂轉浮踪似斷蓬車航燕趙太忽忽半年作客炎  
涼徧千里還家富貴空賴有故人官近邑竟霑清

俸入霜風臨分惆悵高齋色老樹當軒日不紅

寄崔青峙

熙朝萬國同文日故事三秋射策年君是主人如  
北客我爲遊子憶南天風霜去路堪愁絕車馬郵  
亭各杳然自覺衰遲輸少俊幾時還到鳳城邊

發大城

浮游卽征途未半意先悔况邁三伏天炎威盛相  
待蓬窗尤煩促面背移日彩忍垢對斜陽低頭只  
心癡五旬乃登陸騎馬入塵海所遇無一可欲言

且獲罪世事空紛綸去去吾恐浼使酒悲灌夫鼓  
刀憶朱亥長嘯歸荆扉蒼茫聽真宰

自大城策馬走青縣道同叔威作

北風吹南雲征雁已先度迴野何蒼蒼是我來時  
路前林葉頻隊落實少全樹並馬入秋聲離城動  
歸趣親串豈不懷迨往無却顧日午徒旅饑叢祠  
下鞍步酒食頗涼冷薄嘗焉得餽後車又失道瘦  
僕久未遇遼海客羈孤京華人馳騫終拚世與違  
苦爲名所誤肆兀向要津本非致身具沉思寒暑

變惆悵烟景暮

登舟

南人跨鞍馬高下非便習常想短楫移得使衰容  
入昨來馳廣野日暮謝羈繫荒店寒星疎官徒守  
殘笈晨朝正凝佇江航夜相及喚僕走無遲雨細  
衣不溼一葉爲我停逆流去轉急舟子乃衛軍栖  
託見須揖莫計道里賒且幸眠食給揚帆風力弱  
引纜水手集向頗虞堅冰霜嚴半途澀趁船秋已  
晏首路冬未立同行有素心述作爭理葺亦復開

楸枰讓行笑逮十滄州酒滿沽交河棗可拾從斯  
傍烟波遂近湖邊邑

舟夜不飲葉郎出蔬相勸

舟行且十日未越燕趙鄉大舸帆席高風逆焉得  
揚坐臥無所營征途浩以長因之息百慮轉若安  
閨房羲和難弭節啓闥延餘光與會屬清言我友  
正對牀賦詩必秀發吟諷慰老蒼濁醪雖在眼甕  
淺不欲嘗主人忽入坐相勸爲樂方却去呼阿姊  
語細似有商嘉蔬薄暮得洗摘和椒薑釜熱初聞  
聲廚近已送香奉持出就客此意那可忘挑燈復  
傾壺歡來各盡觴醉醒分苟定生理何憂傷

東光縣

綠楊前度東光縣風逆吳船晝不開歲序漫拋秋  
又去林陰將變客還來垂垂舊橐愁翻笑寂寂新  
霜老自哀幼錫嘉名無一善沿流羞問廣川臺

臺  
在景州

野泊廓公見訪

蓬窗吹墮五銖衣昨過吳閫識面稀佛火半塘經

臘久軍持千里隔年歸曾窺白業貪清絕自入紅  
塵想翠微他日烟帆拂江樹劍池東畔款禪扉

泊連窩驛

時違身老興蕭蕭故國迴看雁影遙草木春淡悲  
漢相關河秋晚過吳橋他鄉落日人應醉短燭殘  
更歎未消直北層霄空道路倚天孤劍就漁樵

文正公吳橋人

白雁橋

解識悲秋人定少今年拋却菊花朝南歸重引登

高興船到霜前白雁橋

酬黃三叔威

草草還家客迢迢上水航故人來遠塞同載慰他  
鄉日氣殘秋白烟光沃野黃南池應一醉津路出  
中央

買棗

棗熟新橋驛舟人勸買歸滿林何處剝垂實半秋  
肥預怯關征重虛權市賈微無心羨昨日有待悔  
今非

朔日作

首路猶初夏回橈遽孟冬江迎離塞雁海臥躍淵  
龍瘦日寒應短微霜晚漸濃灰飛春卽到萬物但  
從容

和叔威

擁被吟秋色留鐙促曙光老身甘坐臥終歲傍車  
航草莽吾曹在柴門晚計長所嗟人異縣烟水暫  
相將  
好月與時晦衆星矜夜明不眠孤夢斷將曉薄寒

生遠雁方高度荒雞亦屢鳴老謀慚景略豈敢荷  
虛聲

寒

比歲疑天道爲冬何太難南風吹十月北地動輕  
寒酒盡宵燈寂吟成旅思寬更淡顧童僕未覺絮  
衣單

警

重船依曠野久坐警萑蒲濁酒懸遙店寒燈在良  
途裝囊來日計詩卷後人須旅力吾衰老空看一



劍孤

風

夕風終不歇遙夜恐歸人浪束鳴鼉急山騫臥虎  
噴越裳琛莫阻海鳥祀何頻野岸連羣盜明燈坐  
向晨

日出風仍起連檣靜不行掩扉重幕動開卷細沙  
生野指危星分冬交安德城添衣敵寒色隨雁信  
前程

一怒不可息方知風伯尊九河翻地軸萬里撼天

門鎮日南船住晴宵北斗昏幾時隨淑氣布澤滿

乾坤

頗怪增空響淡愁起劫灰無情收雨去有力送霜  
來近掃東方墓遙掀魯仲臺會看天宇靜安穩一  
帆開

初月

片月何時上殘陽去始孤滿輝潛晦魄微影漾江  
湖夜淺垂寒兔河橫帶宿鳥東南寬水驛取次照  
歸途

廓公過舟讀杜詩

舟行多早泊無事到幽人落日何須別論詩定有神  
天涯稱北客水次得南鄰片月懸雖久清暉今夜新

過鄰舟茶話

客舟行處並茗椀坐來新落日齊州暮微風顧渚  
春貯泉知意慳剝果見情親歸傍楓橋說關河有  
比鄰

與叔威步船頭作

水驛無窮路經時斷客魂又乘愁裏月行過望中  
村暮景三冬入河聲兩派奔到家將小弟欵欵夜  
分論

東昌

聊攝雄東郡津亭遠郭門曉風巢父墓落葉魯連  
村帝世何年避燕沙一望昏無心求霸略閒嘯向  
乾坤

安山雨中作

入夜雲還漲吹寒風漸多帆開輕引纜水逆易生

波前路南池近明朝汶上過山陽遇泥濘吟眺莫  
蹉跎

去鶴三千里猶賒一半行老懷愁北道寒雨過東  
平晝益淒涼色宵喧欵乃聲憑誰報風伯努力送  
歸程

今歲燕齊野田功頗自饒土乾秋烈烈寒動雨蕭  
蕭潤下寬牛力乘高灑麥苗江淮鴻雁響失侶莫  
漂搖

過南旺

汶水分南北歸帆下急流慢開雙岸去風起一身  
浮憶昨吳航到初辭冀馬秋艱難近濟上冰雪會  
無愁

長溝

木葉落長溝羣山遠翠浮夜霜栖岸草寒水逐風  
舟麟泣傷吾道人歸惜此遊長懷辭使者千古汶  
川流

濟上

客睡俄復覺乘流方夜行碧天霜萬里衰柳月三

更要地今無戰詩人獨有名應尋泛舟處留醉與  
任城

觀岱圖

不意扁舟小能容嶽勢懸界空分曉暮未半出雲  
烟象轉青旂動龍吟絳節旋何當凌日觀直見海  
東邊

竟與諸峰絕巍然入杳冥視公朝帝座出地到天  
庭秦爵千年陋虞巡二月經悔來非陸路不得眺  
南溟

下方雖自晦高處迴難昏四嶽猶居後他山孰敢  
尊氣將雲海合光帶日車翻不盡遙空望虛憐過  
魯門

眼前上不得空說太行西肆覲何朝盛登封自古  
迷幾時雙屐到一望九烟低夜半朱輪吐羣方未  
曙雞

雜興十六首

神霄斜日澹清秋迴野浮雲遶薊丘禹迹總無脣  
齒國堯封原是帝王州諸郎掣鶴趨麟殿少婦盤

鴉過鳳樓擊筑酒人誰復在和歌  
羈客感同遊  
層城雙闕五雲間  
累葉宸居肅九關  
北極又開周  
鎬洛中朝仍拱漢河山  
淡春御幄龍孫出  
細雨金鋪燕子還  
昨過西華望宮樹  
暮天蕭淡紫微閒  
今日廟堂碑更建  
龍章乙夜自揮毫  
驚看海岱風雲異  
靜想春秋律令高  
禮器兩楹歸制作  
星河千里潤旌旄  
太平文盛  
天才健魚服  
菽房且未  
韜

傳呼監牧駕翔麟  
羽衛繽紛起陌塵  
萬里樵漁瞻日角  
五山風雨望時巡  
江湖畫舫盈盈度  
金碧寒林往往新  
開府西泠無限樹  
年芳偏隔翠華春  
三輔炎暉帶九區  
湯年焉肯暴尪巫  
神姦夜嘯聞封府  
沃野秋登拜賜租  
好雨邊沙生碧草  
颼風海國落紅稂  
不知題柱田京兆  
曾弔沉災入告無  
舜警堯咨動九天  
司空奉簡下經筵  
荒城驚數枝官宅  
小吏陰操御府錢  
沮洳暑寒知有日  
桑麻雨露定何年  
近臣短策關民命  
留得村墟積水邊  
飄風凍雨乍飛揚  
嚴警先驅御道傍  
豈謂箕裘垂

廟略翻忘弓矢事戎行介麋徒澤秋聽竹猛虎隨  
車夜寢牀火焰高原哀角奏一天星斗挂蒼涼  
解佩都忘覓蹇修羣公師濟百無憂龍香烟霧淡  
朱戶貂錦雲霄競黑頭月底連枝庭桂夜花邊焚  
草掖梧秋阿衡呂望猶堪指會砥江河向海流  
如焚早魃走天風封事芻求自古同小吏監門傳  
鄭俠諸生太學憶陳東馬來汗血閒當仗鳳起梧  
陰遠噓空草奏尚聞谷警日青蒲慷慨爲誰雄  
龍起都梁帝業虛末年編輯史臣疎門庭朔洛諸

曹裏槍壘河關百戰餘索米莫教疑直筆焚膏焉  
得趣成書田間漫識興亾事多少才人在石渠  
沉沉鎖院氣氤氳淡墨天昏曙未分動海驪珠來  
皎月歸燕馬骨買浮雲官家自昔曾親策卿子如  
今已冠軍寂寞寒途高興盡悲歌空弔望諸君  
商飈颯飄暮雲低極望河源積石迷漢日已懸窮  
塞北邊聲休起大荒西名姝潑乳垂紅暈老將聞  
笳舞白題莫倚蒲桃連歲熟卽防宛馬向天嘶  
尚憶吳檣南泛日越山高接七閩溪龍精入浦難

求劍雉堞連天舊號鐔桂橘秋香聊遣興絲蘿冬  
死獨傷心縈盤危磴千重路棄擲青冥豈重尋  
北鎮經年信寂寥霜晨旅雁颯風颺邊烽舊舉金  
城閉陵邑新開鐵嶺遙薄宦尚淹清白吏愁人空  
望紫宸朝驚心萬里吹寒雪凍裂泥沙馬不驕  
秋風黃屋碧雲層園寢蒼然曉日升故國鼎湖哀  
壯士神臯抔土護長陵熊羆翠嶂寒猶列江海銀  
濤夜不冰惆悵年年春草綠白頭宮監隴頭登  
布衣狂走紅塵路羞見西山萬仞青上谷百年來

戰鬪諸峰終古落空冥松蘿計好秋全暮笳管聲  
悲雪漸零厭說此中成捷徑江天亦有少微星

述懷

因逢朋好忘愁緒日日船牕發旅吟十月寒輕身  
少力百年時過老驚心長河樹近生青影古岍沙  
頽出碧岑夙世烟霞應有分塵緣拘係到如今

魚臺道中

寒空層嶂接蒼茫不盡山光亂水光遠道千帆分  
積翠西風一鳥入殘陽居人菱芡多充稼歸客芙

蓉已製裳歷歷烟村魚網集天涯栖遁更何鄉  
久厭風塵裏今來烟水間半黃欹岸柳淡碧隔湖  
山舴艋爭魚市蒹葭帶雁還孤帆曾信宿何事轉  
摧顏

往返數千里蹉跎已半年長辭車馬地早入鷺鷥  
天故國看相似層巒別可憐祇應到家日便買釣  
魚船

鶴媒行

南陽菰蘆鄉往往出漁舫日午浦烟斜驚見清霜

颺寡鶴何方來頽然立柳向昂藏江海菱胡爲墮  
塵埃緬思滄洲迴鷗鳧各自養健翮况凌霄力絕  
溟渤漲秋天得空  
八月 虛沈瀆一朝落虞羅萬

里憶鯨浪神摧長羽禿影瘦細波漾用汝作危機  
潛致野鳥俯屈折豈足惜殺傷頗過當不知涼露  
垂幾引高鳴吮生來風格異夙昔懷抱曠詎料歸  
樊籠隨人學欺誑如矜軒翥態飲啄靡所仰應遭  
斥鷃笑坐失仙禽望吁嗟時命違故侶盡騰上何  
誰挾仙術妙藥下蓬闥頓令兩翅生快覩形神王



此意恐蕭條蒼茫對寒嶂

詠懷二十首

我無經世資沉淪固其分年衰行曠野頗遭羣小  
愠霜風向夕迴白日亦生暈倦羽爭投林俊鶻待  
時奮志抑懷幽棲職思諧古韻非干衆流譽庶垂  
沒齒聞苑枯一消息誰謂斯理紊寂寂何所憂端  
居託天運

冉冉孤暉下驚風吹我顏羲和無弭節予于征途  
間顧望荒烟渚時見沙禽還霜天竟蕭瑟四野渺

漫漫中情曠焉屬忽然垂青山其中有幽人堅臥  
保歲寒念此久寥濶百端徒縈牽仰視浮空雲一  
去不得攀

伊耆治天下日月懸清蒼虛席讓許由自謂燭火  
光鷦鷯巢深林偃鼠飲河梁所需誠不多細瑣奚  
足傷越俎自有人養拙亦有鄉千秋高世名巍巍  
比陶唐

長安多貴遊夾道羅車馬雞鳴徒御呼馳赴雙闕  
下驢背亦何人竭來自鄙野顧瞻舊宮垣代異色

尚赭壯麗臨幽天保世豈云假百年見興廢還貽  
後來者山樞悲風詩斯于歎周雅悟彼外物情脫  
身何瀟灑

勞勞入塵壒悠悠踰阡陌甲第何崔巍朱門羅長  
戟春暉綠細草雨露多鮮澤緬思百戰初本是王  
侯宅堂中蒙烟霧鈴下豐酒炙一旦他人來蒼皇  
逝安適悲風吹白楊却顧空復惜

珊瑚可網致竹實期鳳采時遠力亦多事舉功則  
倍青童悵不來雲旗渺滄海君行何夷猶令我朱  
顏改萬物仰昭蘇申旦成久待嘉會後吾身沉悲  
結千載

浮查杳不至中夜瞻牽牛衆星耿寒光河漢風颺  
颺佳期信已遠復此汗漫遊鳩告怨行媒無女哀  
高丘鳴鳳不可卽燕雀來啁啾堯舜方垂裳稷契  
能咨謀歸尋舊白鷺浩蕩滄波流

著書見後世卓犖推虞卿說趙拜上相六國流英  
聲一朝念魏齊捐印大梁行曠懷薄富貴寸心急  
友生平原不肯出義高亦爭鳴當其慷慨時顧視

小八紘人生各自遂窮達有所成唯阿媚權要並  
垂青史名

曠望宇宙間置身竟何許流光一以馳卽事今非  
古蓼莪廢不吟離瑟亦罷鼓春風脊令原急難多  
愁語願爲鸞傅天無將雁依渚衆雛盡凡毛豈復  
希遐舉青蒿滿蓬門幽徑任吾取牽蘿礙高車窮  
老且晏處

吾聞支道林愛馬自天性叱撥隨清言揮塵得神  
駿野鶴思騫飛悵望秋空淨顧念凌霄姿縱使霜

毛勁憐才嗟斯人低迴慕高行淡公笑不休買山  
亦何病

伏波雄豪人世亂矜抱負開眼擇明君功名豈輕  
取遨遊二帝間服事終不苟少游志趣殊獨策款  
段走軒然顧之笑未肯甘老醜壯心懷沙場畢命  
恥戶牖斯意焉敢希逝將適南畝躬耕緘龍劍無  
使霜秋吼

朱亥梁市屠聶政齊鼓刀椎鄙刺俠累英風颯寒  
濤吾賢軼里人輕生異鴻毛親在難許身滅名義

至高將爲知已用豈徒氣矜豪湘纍悲莫知懷都  
吟楚騷中情苟結束一意申所操報恩未有處保  
已歸遠臯

陋巷親在堂供養諒云薄傷哉人子心而有箠瓢  
樂聖賢素位行譬彼寒燠若定分由自然天道浩  
漠漠曾城多俠邪庶士趾相錯昏暮投其間委身  
遂永託錦繡榮所生不如衣服惡非義奏歌鐘不  
如薦葵藿

杖策適四方寤懷經奇士再返太古風大溥萬物  
利中道旋軫歸所遇厭機智遙矚南溟鳥已振垂  
天翅試爲岱陰雲雨潤漸而至半更陞楯郎勿謂  
優旃戲

暇日遵河曲躍出雙魚書是我執友言傾懷席久  
虛放舟長川汜稅駕炎暉餘復爲宛洛遊疲忝乘  
牛車餽贖匪無儀依人豈良圖歸返舊茆屋歲晚  
成迂疎榮利非所期庶與先民俱

少年夢登天嫖忽隨羽化雲海爛生光洵涌泛腰  
胯夢中遊仙詠高唱破清夜生爲江鄉人歸途指

西華浮塵縛孤踪名嶽負遠駕永懷尚平遊何年  
畢婚嫁

生年半百餘于世鮮所希閉戶追古懽聊用相因  
依烏几幸未去霜凍多晴暉誦讀論其世往往夢  
見之言念京洛交走馬趨夕闈濡翰給官燭俯仰  
與我違寵光雖不及周防亦以稀鷗鳥舞海濱黃  
鵠摩天飛

渾渾龍門流從西急東注禹功不復奏懷襄乃其  
素霜晨渡河來九道悉非故瀆宗實明神夢想焉

能遇夏翟鳴空山千載無人赴田夫秋多暇有粟  
須天雨

平生好朋侶遠近相追尋肅客寒水岸置酒春樹  
林家貧乏縞紵絲縷明我心草堂頗幽潔可以理  
鳴琴乾坤一黠慘龍蛇並淵沈風波泥行色日短  
冰雪臨陶朱隔五湖何時散千金

才非東平生亦嬰沈痼疾傳風滿皮膚求方似仙  
術雖異瘦附藤實類蠹滋橘梅雨渡江來爬搔不  
可畢金石會有虧還丹渺難卽他年在下時慚愧

螻蟻食

題畫行

今年薄遊別淮楚過河愛看鄒魯山魚臺蒼葭綠  
楊岸數峰近帶烟湖間其時朱暉正歛翁恨不一  
棹前追攀自從驅車到京邑九門塵土高蔽日搖  
落初霜鴻雁天復上吳航逐秋色廣原惟見種麥  
人怒風苦迺還鄉客借船老翁如舊識膝下嬌兒  
夜光直對我天清展畫圖何處苾芻新潑墨翁家  
故傍冶城住此中大有幽人筆沉澁無過龔柴丈

拂素陰崖竹松濕白田喬大嗜天真滿眼雲堂挂  
真蹟我在江都共還往別來五載無消息忽見茲  
圖心倒極悵望浮雲坐相憶老翁重汎桃葉波試  
請龔侯寫蕭瑟定有空江鬼神入

爲葉郎題叔威畫竹

倚醉微吟絕妙辭旁看揮筆最愁思寒川忽變春  
潮綠潭雨湘烟見一枝

題叔威畫竹

黃生不能飲飲少發狂態畫出青琅玕欲使何人

愛

別幅已成陰毫端更生笋知君十指間酒氣猶未  
盡

叔威旣和余詩又發興作十絕句倚醉盡和  
之

酒盡興未已潑墨補其缺搔頭向青蒼亂落燈前  
雪

歌罷人亦醉孤月向我明瑟瑟湘江影來爲萬里  
聲

酒面有時白醉懷無日醒何當威鳳下叫破海天  
青

登山脚猶健古藤可作杖霜天留此君愛他拂雲  
上

清貧太守後獨有梅花叟誰知醉眼中得此拏空  
手

歲晚積寒翠何渠便萎黃待見兒孫長崢嶸出苑  
牆

今日重栽竹看余斫釣竿只愁滄海底寂歷巨鼇

寒

出土頗容易  
開花何太難  
會須靈鳥近  
結實滿琅玕

有節方堪老  
搖風竟不低  
山雞將稚子  
爭向筍根栖

怪汝將松柏  
禁寒不羨春  
天街花底客  
省識渭川人

又贈叔威

高人不近俗  
鄙夫方食肉  
君家千頃陂  
何似千畝

竹

寒夜同叔威作

綈袍拂盡  
帝京塵  
一月燕齊苦  
問津下水舟航  
爭倍道垂天星  
斗亂隨人獨  
憑短句驅愁去  
多謝良朋發興新  
濁酒難沾霜氣重  
夜闌看劍坐相親

望嶧山

嶧山虎踞羣巒伏  
傳道靈奇迥不同  
魯塞片帆凌絕巘  
秦碑落日在寒空  
烟嵐碧散諸州裏  
海岱青迴一氣中  
閒讀遺文尋小篆  
經時徒倚送霜鴻



過夏鎮懷汪二左巖

帆走歌風地天餘落木寒海雲飛野盡霜日到河  
乾近縣懷良友三年守一官因悲龍虎氣老眼獨  
愁看

彭城道中和叔威

日瘦霜能宿風嚴曉倍寒過齊魚艇亂入楚雁田  
寬計拙傷途遠人衰怕歲關親朋如借問留與醉  
吟看

已悔前期誤空悲晚興乘關河沉霸氣書劍老孤

燈愁詠餘三復寒衾疊幾層曼遭冬夜永斟酌海  
鳥升

寄贈陳太史省齋次叔威韻

早聞君特達近侍拜恩寬坐使危機中來衝絕塞  
寒青春辭故國白日隔長安但保冰霜質浮雲世  
路難

邑婁殊氣候雪片下秋淡萬里逐臣屋孤燈明主  
心入春梅不見遠海月還臨寂寞湘纍恨惟應抱  
膝吟

鐵嶺遙臨北金臺忽在西所生來夢寐一去走涂  
泥水水猶開硯春風自種畦空餘待漏意夜夜悞  
荒雞

養拙湖干客清時日日閒曾攀梨嶺樹尚憶劍州  
山結侶長途話悲君老淚潛沉寃如得雪隱石待  
人還

渡河

憶昨鍾吾愁觸熱燕關齊塞飽經過兼旬燈火連  
寒岸一片烟霜下大河去鷁不勞風力送歸鴻偏

喜日華多頻年瓠子功難奏鮫室春生莫湧波  
五月乘流復此行日高風定櫓爭鳴寒烟已隔蘭  
陵樹絕岸俄辭下相城萬里雲帆凌蕩潏滿頭華  
髮俟澄清詞人作頌何年事迢遞霜空一雁橫

後渡河行

我昨乘船出袁浦日車照耀波文紅天妃廟口烈  
風作大河飛滂搖心胸京華騎驢苦佶儻放眼却  
憶曾潭洪歸途辦買欵段去片帆詎料還相容承  
城遠驛送烟樹咫尺已入困泓中崑崙西極墮星

宿懸瀉萬里奔層空未到滄溟不肯住生成蕩激  
稀冲融遂有明神長四瀆岷嶓桐栢難爭雄經過  
中原絕橫肆奪地屢徙鯨鯢宮雪殘碑碣竦山嶽  
雨餘屈矯吞霓虹二儀清寧自高下沙土匿匪俄  
冥濛揚靈頓遣羲御匿鼓氣只恐坤輿崩頃來歲  
晚幸和煦檣艣妥帖聲滌滌應憐腐儒心膽怯焉  
敢妄藐神威崇 至尊咨嗟坐北極江海職貢紛  
朝宗舳艫稞稻軍府賴郡國轉運蒸黎窮自從長  
淮別澎湃汰濁不復相流通使者年年竭官歲時

過九載無成功金堤東潰更可怕小邑蕞爾嬰其  
衝魚蝦菱芡失生養鄉人半化饑飛鴻往者翠華  
一臨幸駐蹕良久哀三農 制曰司空汝予治畚  
鍤正集諸州工上流竹楫猶悉索淵壑偃蹇驕羣  
龍安得狂瀾竟底定元元康食蘇疲癯敷天競獻  
翁河頌逢吉豈待筮龜從支派兼蒙散膏潤磽确  
亦得輸常供身老不作濟川計坐飽玉粒歌年豐  
河伯聞之忽震怒拔木又駕洪濤風

阻風天妃口

來往帆俱落，淒迷日易晡。大風連野動，微雪入河  
無不脫。冰天路難求，竹火爐故人。多好句，時慰旅  
情孤。

寂寥孤燭外，銜尾舳艫攢。酒薄觴須急，年侵骨早  
寒。半生爲客賤，萬事去家難。愁思餘行記，他時不  
忍看。

去雁難爲陣，栖鳥不作橋。甕空千緒亂，窗掩一燈  
搖。曠野連雲幕，寒衣曳霧綃。風威須小歇，容易旅  
魂飄。

### 抵淮關

投袂燕霜下，柴門計日還。寒天纏遠道，暮雨逼嚴  
關。書卷慚商賈，譏訶惜面顏。移燈補舟漏，添得袖  
痕斑。

### 同叔威上岸避查稅人

纔脫狂蛟窟，俄衝猛虎關。岸沙迎步亂，風淚落衣  
班。歸路全難速，殘裝半及還。寂寥經世意，羈旅向  
人間。

### 贈叔威別

我傍湖陰甘息機都梁君去省庭闈涼添扇枕經  
年隔暖到扶輿絕域歸上日椒漿傳臘味淡堂蘭  
燭舞春衣自傷衰白承歡畢一見青陽萬事非

過召伯上歸舟

寒柝沉沉荒埭孤僕人扶挈榜人呼打篷夜雨迎  
歸客聒耳鄉音脫良途不見霜鷗橫野俊空聞溪  
蟹入秋腴浮游爛熳餘詩句充得行裝長物無

過閩聖來

宿雨寒塘路相逢各黯然問程傷久客入坐歎無

年計拙迷津日風嚴欲雪天別來詩盡好吟向酒  
尊邊

陵亭道中

悔逐浮雲到帝城敝車羸馬悞平生一肩葦布  
行時態滿眼風帆夢裏程近縣忽聞垂死報還家  
多恐故人驚柴門掃徑開詩卷不盡西堂落日情

從外祖李俞卿先生八十

徵君家乘有輝光大父前朝輔肅皇歲月崢嶸纔  
耄耄乾坤翻覆久滄桑卑栖僻巷龍爲德尊序高

門雁隔行王絢憶傳論語日何公頻過讀書堂

西齋戊辰詩

典化王仲儒景州著

同里李國宋大村選

元日

磊落衆星沒啓明孤向人沈思當戶立有憶傍簷  
巡半世歸殘臘餘年數孟春只宜求蔗味不用薦  
椒辛

述感

坐對寒花寂自憐老來無意問高天才慙小弟非

雙璧壽比慈親只十年往事回頭衣盡濕流光過  
眼燭同然驚看研北殘詩帙曾到天關奧府邊  
不寐口占

更闌酒醒支頤臥耳畔如傳度壑鐘水旱驚魂頻  
見夢行藏到老合爲農春生鵲鷓羣先動夜黑蟾  
蜍影正封忽憶舊時湖海伴九關渺渺去攀龍  
肺病經時不肯除諸家游歷負閒居遭春益痛全  
衰骨卜夜渾拋未見書明日呼兒懸酒誥常餐教  
婢占園蔬柴門漸喜招尋少茗椀僧齋復似初

贈融峰大師

平生愛傍祇林住夙世曾叅白業來水浪春融龍  
伯國燈幢晨禮象王臺衣傳七祖今猶昔花雨諸  
天落又開止觀細聽懸解竟妻兒待米亦忘迴

海光樓贈孔東塘博士

蒹葭螺蚌沉浮地亦有層樓北郭開建置已悲仙  
令去標題還待後賢來天連遠海星垂野月到滄  
池露滿臺紫禁公歸明主問飽聽荒澤雁鴻哀

贈任二如璋

元將王信之裔

都梁疇昔起真龍乃祖懸軍保舊封異代孤忠何  
奕奕清門羣彥遂重重鵷鸞自遶干霄竹雨雪難  
凋偃蓋松莫訝追歡似兄弟向來家乘本吾宗

奉寄承德公

福清張蔚生先生

春艸催邊雁天青已北飛幾時書始到萬里夢同  
歸鐵嶺乾晴雪蒲河滾夕暉如何在京邑却與帝  
城違

不爲遠海客空作薊門遊陸路行偏怯三霜涕未  
收花開思命駕地迴惜移舟氣候今年燠寒漸定

已流

萬感來孤坐起行看暮天微風低落日薄俗侮衰  
年貂錦關山外魚塵釜甑邊向時高宴會賓客散  
如烟

把書傷遠道倚戶向深春公去誰憐我年來欲避  
人馮唐何易老原憲只長貧迢遰營州月流光東  
海濱

聞道遷除好南來江漢間水迴義陵渡花滿木瓜  
山五兩何時便三秋此歲閒惟期霜稻上一謁陸



康還

時傳公擢倅常德

寄懷吳門袁二安吉兼悼袁大先望崔二不

彫栢大非熊

上巳作

可記追歡是甲辰朱顏綢髮並青春年來年去成  
何事江北江南剩幾人今日采蘭仍令節空堂被  
酒劇傷神吟詩報汝知吾健抵得寒暄數紙陳

唐若淵家海棠

故余書屋

辛夷雪片纔飛墮復有紅芳當戶垂色映晚天如  
倚醉人非杜老合題詩空庭春艷無雙樹別院梅

開又一時我到故居腸欲斷似看涼雨砌傍枝

送黎于一之閩學使者幕

無端頭並白一年幾回聚殘秋在京邑數過相勞  
苦流光逐風颺老態難飛舞少小同自出總角我  
汝侶我母汝母姑情親一何煦傷哉北堂人儵忽  
歸黃土有文不奮身蹭蹬折雙羽適意仗溪山忍  
耐長羈旅

我經江山縣最愛江郎山三峰似信圭舛合碧落  
間深翠欲霑衣來潤遊子顏從茲沓層嶂遂入楓

嶺關松篁滿眼送奔泉疊潺湲中有幽人居絕境  
方宴閒惜哉驅車去不得凌霞攀君行領其要窈  
窕吟詩還

東塲竹枝詞

吳陵北去水悠悠也有官隄帶盪舟酒肆歌臺隨  
處勝分司原住小揚州  
處處官塲竈火開春陰曾未綠莓苔千門曉色牽  
牛出六月平原架雪來  
海禁都開好販鮮團南團北動漁船江南櫻笋佳

時節紫蛤黃魚勝往年

近江只愛鱒魚好鱖魚少骨亦清腴日來海口東  
風急網下潮頭打得無

青天漠漠野風微綠草茸茸春不稀臂上鷹鷂翻  
雉落沙邊人臥打麇歸

只今江海競稱詩第一東淘更不疑人去陋軒樵  
悴甚春風春雨柳絲絲

入村

碧天此日散沉陰東阜茅堂白晝深作客迴悲千

里鴛爲農真息百年心紅蕖露重仍微放紫蟹霜  
遲且緩尋城郭勞人傷意緒烟波避跡減愁吟

朱仁仙夢余家桂發花明日余招之飲索咏  
不省今朝約秋燈夢桂花香從天半落影向月中  
斜散步來空館披襟對夕霞風前催短句應許換  
丹砂 朱吾邑道士

挽汪蛟門比部

追思二十年間事渺渺層空片羽高才子不成登  
左掖官箴何意落西曹人呼姓字僧堪應酒作生

涯聖可逃往日回風悲又惜那能留汝在江臯

挽劉存永虞部

絮酒經時緩素車寢門長日淚痕餘正郎未拜年  
猶壯岐伯頻更計已疎坐上虎賁空彷彿燈前麈  
尾最歎歎泉臺此去偕汪五一笑微塵夢覺初

唐若淵屬題程堯仙所居堂

西鄰日日催詩句題上程侯澹遠堂惚恍天秋來  
晚暮虛無雲海去蒼茫風簾晝下棋聲出月檻宵  
平樹影涼我到揚州定相過肯教禮數束疎狂

訪遷西道兄於顧莊

昨共許玄度言過支道林  
片帆湖漠漠連日雨沉沉  
沉獲稻貧家計逃禪晚歲  
心菊花曾種未只當布  
黃金

粗飯荒齋聚春風一入城  
相思逼寒露爲別未清明  
流轉天全健波瀾地不平  
祇應辭里閑來伴野  
人耕

舍影遙仍近無過十里村  
雞聲連水岸蟹沫上柴  
門以我離別意就君兄弟  
論清齋老摩詰斷肉幾

朝昏

謂子範

泛舟之顧莊

酒斷眠孤曉卽醒半篙涼  
露出前汀澄波上日金  
天白老樹流年木塔青  
風力偃衣時瑟瑟霜華垂  
鬢不星星東南鳴躍非吾  
事合就西方止觀經  
東  
南句用張司空謂陸平原語

自顧莊歸戲作呈遷老

珍味不可求衆哂吾鄉僻  
秋風吹露寒稻蟹方漫  
喫隨潮旣解甲其色始青  
白脂膏塞懿筐蝸腹無

罅隙赳赳雙執鉞怒作巨靈擘八跪鬣足齊森然  
挺矛戟外疆中豈乾橫行物誰格盈虛應月度剛  
柔象離畫胡然觸結繩蹉跌謝川澤編畱人絕巧  
入易出則逆喫沫空有聲躁跳那得擲小釜然清  
波側注聞絡繹摩娑抉臍黃儵忽報殼赤堆盤纔  
及寸布體或踰尺房房如蜂分瑟瑟類狗磔瑣細  
戒棄餘貪饗賭多隻移時竟飽滿畚載送殘幣日  
斜杯酒聚有此廢甘炙常餐喜數見侯鯖未許易  
往爲天南遊九秋挂胸鬲去年在燕關思之貌加

瘠今茲來獲稻溝塍徧樹柵勅厨但給鮮頓食朝  
又夕前村訪彌天扁舟越東陌經臺正雨花堅行  
敵金石應宜拘梵律且復說冥謫何圖清齋罷提  
携別餉客蝦蟇與博帶刺眼盡蕃碩老夫拜大貺  
舉手笑啞啞俗師踞高座無能爲公役不知賢畢  
卓訶作肝人跡

李元水四兄凶問來哭之七絕句

燈前聞信涕洟瀾少小肩隨老倍歡陡地風颺吹  
斷雁夜深孤影落何灘

離堂昨歲逼清明兄向江南我北行記得蕭條京  
邸夜寄書深悉未歸情

中表相依五十春平生姑姪最情親黃泉無處逢  
吾母久作龍霄玉海人

閒携肴核過柴扉收令銜杯興不違他日酒徒還  
復集更誰堅坐惱人歸

病只三旬未半年醫方寒燠太紛然中元一夜添  
愁雨贏得留君共榻眠

每到蕭齋共酒杯階頭蘭蕙重徘徊如今正是花

時節拋在城中他自開

小弟書來遠送愁三朝三暮淚橫流人生只合無  
情過省得親朋哭未休

醉歌行贈朱丈鶴山

青天不動奔日車月爲副乘星如沙周流更不防  
夜黑孤輪互燭紛光華千春百祀復萬禩何曾弭  
節憂途賒人壽期頤苦不足誰歟定說生有涯兩  
眸電轉配兩曜隸籍南斗吾請加果然天半飛朱  
霞老鶴下舞先生家先生本以鶴爲號其室則邇

心神遐詩成往往獨長嘯九臯風聽無爭差平生  
妙契養生主貌若姚冶含英花逍遙暮齒高興發  
健步欲及康莊駟閨中姪女好顏色騰光遺視低  
鬢鴉荒鄉雨雲不肯斷豈知朝暮來巫巴多暇親  
朋數燕樂堅坐直送明河斜恭惟先生我父執每  
慶良食私咨嗟昨來示我香閣帖竟幅鳳跋兼龍  
拏收拾江山入制作題曰競爽應非夸今晨令節  
雪霜霽羽人奏樂紛如麻青童連心結羅帳黃姑  
端綺隨靈查湘娥不受幽篁遮曾孫馳獻清前茶

我醉凌虛叫烏兔年壽豈獨公等奢鬱儀結璘笑  
啞啞浩劫相將無量壽先生今纔八十邪

贈內姪解萬鈞

南陸鴻飛霽日邊東臯稻熟早霜天過從健美形  
神王中外交稱族黨賢却憶小姑成隔世相看弱  
冠到耆年間居細細浮春露繞膝書聲當筦絃

枕上作

酒醒夜方半初寒生薄衾境猶空萬籟事已亂孤  
心壯老更貧富庭闡判古今山城將送弟離恨與

江深

舍弟往青陽臨發

倒屣披衣起薄晨長亭短櫂在前津  
去年汝望還家客今日吾看去  
國人笥滿五經猶祖澤烟籠九  
子是王春履端何限團團思爲賦  
常華報所親

樊汶曉發

十月已過半五更猶不寒  
客醒那復睡心寂忽多  
端缺月當孤枕高風起急湍  
揚州應早到行路未  
云難

過李詞臣兄弟留飲

相逢欵欵見交歡  
竟日留人向夜闌  
舊雨三年全似夢  
新霜十月不成寒  
君家兄弟江鄉少  
我輩逢迎世路難  
來歲春風拂琴劍  
棲遲還傍一枝安

真州道中

寒河送遠下嚴關  
官舫乘流曉色間  
冷露半紅烏柏樹  
深江一碧白沙山  
三年老客來悲往  
萬里貧交去未還  
劫火浮圖仍湧出  
獨令身世感愁顏

時

戴丈無奇往粵東



白門別李大村

江頭數字驚吾至關口孤帆別汝行老去一身原是客此來千里獨含情上游戰艦無消息故國寒磯有鬪爭短棹霜天方穩渡恰乘明月望歸程

白門南上

垂老翻浪游北轅已知誤故人作南官邀我愛弟去送之至白門茫茫起愁緒沙雁雙鳴棲分飛得無顧遂輕天塹波凌亂龍關渡風從東北來烟濤莽馳驚蒲帆刺霜空瞥若驚翔鷺深愁龍蛇蟄擺

闔難閉戶羣山遞相迎新歡竟如故同舟並交好復饒文酒趣狂歌劇談笑樂此浮雲路吾生一旅羈家鄉在何處超然契真詮悟彼無所住

天門山

江山幾時有曦月能知之流峙地未形光華天已垂由來經歷千萬古杳冥荒忽誰能數何圖久遠更鮮新自結靈奇不朽腐秣陵揚舫沂上游上游洪濶泱泱浮等觀滄海少不似中間爲有葭菼洲騁望諸山紛黛色岡巒隱見無終極寒磯一見一

驚吁天門兩崖最殊特一山橫斜插岷嶓削成半  
壁凌空落濺起江波灑客帆霜晨凍雨來噴薄斑  
駁翠紅開畫圖凝然一山坐西隅相對差池復嚴  
翼天公作意爲形模欹檣側柁此中過恰值冬晴  
日車大光炯炤耀變態呈冰雪迸舞中流破我往  
越鄉兼入閩青林碧嶂高摩雲灘嶺上下絕艱險  
勝跡經心五六春曾倚霞標指烟杪數椽得占幽  
棲好如今追賞總傷懷江山無恙人衰老

蕪湖舟中作

水國聊浮游縱目愜幽討仲冬凜寒天暄暖爲衰  
老舟中一事無侵星起常早擁被坐推窓顧盼川  
路好去年誤作計騎馬入京鎬至今衣上塵尚藉  
江風埽景移山輝輝洲絕波浩浩人烟辨鳩茲津  
崖亂鳧藻榜人報嚴關俛首傷懷抱

過舊縣

山曉姑孰程江光動晴睨連山西南迴人家望中  
見如櫛白屋齊互帶青林變鬱葱名都會清麗使  
我羨舟師指繁昌此是古時縣里開乘陂陀田塍

錯廣衍應知香稻熟况足嘉魚薦胡爲乃遷社茲  
地焉可選始事與初年落葉隨流電故園深烟波  
景物無堪戀境勝每情移此復意所善帆檣滿上  
游車馬到江甸驚心湘漢間易報新酣戰

泊銅陵

微風吹高帆日夕猶未落斥埃臨前圻阻淺行復  
却移時乃登陸試問銅陵郭石梁過溪聲烟光漫  
林薄未遑采土風頗怪市塵惡寒星動崔嵬江色  
上沖漠顧望興有餘暝黑趾恐錯躊躇反舟中明

鐙意蕭索並生宇宙間看人擅峰壑

青陽道中作

舟行十日餘今晨乃遵陸茅店起夜霜輕裝委徒  
僕鮮車控飛蓋繚轉溪田曲吾友方安驅我亦策  
騎逐行人遠下擔籬落竊注目咨嗟向浮雲不敢  
薄微祿賤體愧癡肥俊乘澀健足崖高側踏石澗  
澗疎支木危坐等履冰驚心欲扶竹平臯得快意  
始見千巖綠衰齒旣崢嶸病脚且跼起良無濟勝  
具難就天際宿

登青陽城

同歙州惠臣載錫

睥睨生高阜登臨日欲晡亂山千里去片石故鄉  
無烟外懸江月城中落渚蒲草深防失路昏黑好  
相呼

西洪嶺望九峰作

山容漸以親輕車亦徐引空曲多異觀回轉非一  
境松篁潤圖書巖壑分晝暝孤雲遊半岑寒日薄  
高頂稜稜八九峰直上天路永秀發想元初萬古  
一俄頃平生厭塵壒老欲就真隱丹藥苦無方筋

力絕堪哂暫追物外蹤得借霜邊景隊葉舞微風  
隨人過西嶺

車中吟

久行午烟生空翠益可喜衣衫嵐氣中人家水聲  
裏

山行作

空山富泉聲聲亂山愈靜平川亦自波崩石故作  
梗磊落何礪砢撐拒奔流騁助響更林風颯颯度  
迴嶺已艱南上路復薄西頽景崖荒虎跡深歲暮

霜威冷月出無行人愁絕千峰暝

上山

十里磴道長攝衣上斜照數折力已疲輿人向我  
笑我非矜汝憊失隊恐難料深崖絕杳冥怪石莽  
奔峭自多繁枝絳那學窮猿跳此身雖賤貧未忍  
擲江徼喚僕斷枯竹扶持強騰蹕終然氣增吁竟  
使形相弔人當欲臥時焉能度層嶠我友掖我升  
年衰愧渠少良久稍平夷登車縱臨眺大壑走冰  
霜長松蠹虎豹西風忽蕭瑟衆響何清妙聽睹幸

神怡安舒謝心掉雲際望東岩仍思倚天嘯

禮金地藏塔

金碧林端寶刹懸漾空霜日到簷前真僧定久千  
花塔詞客吟殘九品蓮石磴危攀須度索松根小  
坐卽安禪天臺斗絕還天半意盡紅藤鳥道邊

東岩

蒼岩切青霄西日明東隅裊裊細磴盤遙睇心魂  
蘇肩輿空復隨仰面愁高衢歛步不敢放轉側須  
人扶我身極疲茶昨又攀危途顧懷勝絕境幽興

誰肯孤徑超度鳥背手拂浮雲車下方指點邊奪  
險開精廬前軒一以眺矐目中踟躕焉有疊嶺圍  
氤氳連具區空濛林巒變窈眇光景殊堂淡敞八  
窗窗窗對蓬壺絕壁萬仞聲必挂凍雨餘春花莫  
辨名爛熳何麗都暖氣蒸妙香苾芬散伊蒲頂上  
盼天臺喬松等葭苧豈乏蟻附迹吾猶惜微軀洞  
古殿之陰範土自留模是爲金地藏昏燈炤跣趺  
霜寒觀聽異石怪神鬼驅猿引跨紫翠鶴矯凌虛  
無長思謫仙人曠逸古罕徒標題倚天坐字痕悲

模糊名山幾時頽勝流屢乘除九京不可作來者  
孰久居眼看住山僧歸休妬良圖裹糧會相投不  
到非壯夫悵望陽烏匿臨去增煩紆

留贈覺院主僧

捫蘿無分謁天臺高壁層峰面面闌落日憑闌惆  
悵極東崖不到定空來

蘭若全開碧落邊我來初眺九峰天與公同下人

間世早占空青五十年

僧與余同甲戌住山四十年矣

化城寺有明思皇御筆爲善最樂四字

入寺忽驚神龍蛇跡尚新空山逢御筆灑淚向何人

憶舊

川陸勞勞未散憂去年今日泊歸舟誰知旅鴈輕  
長路又逐江雲到上游臘近每驚新月出裝空真  
爲故人留關河最怯逢冰雪惟仗霜晴慰白頭

枕上作

驚風吹雁不成雙取次烟帆又過江酒醒心孤眠  
不得五更山月滿寒窗

拜黃侍中祠

青雲堤畔北風吹愁說先朝靖難時落日寒連江  
外客名州淚灑侍中祠金川不鎖燕師入玉璽如  
流漢祚移獨有孤臣波底血年年逆浪就湘纍

留別白下鄭蓮水梁溪華中湄楊緘三雲間

陳備三桃州沈霖若兼呈宗子鶴問

不謂忘形極偏于識面初此遊安得再一別自今  
疎歲月空殘曆柴荆祇索居春江試垂釣應有上  
流魚

朋好他鄉聚平生所最憐爲歡方累日可恨逼殘  
年蹇衛寒山裏危檣極浦邊帶霜何處雁相背下  
江烟

別惠臣

不到分襟易焉知聚首難今宵借我弟破寺一燈  
寒村酒那成醉客衣原自單眼孤須數紙爲報各  
平安

別舍弟

又向天涯別心傷此客途人來官况冷我去爾身

孤聚集歡仍得飛揚計絕無尚悲過郡日疲衛蹶  
山隅

不圖書劍在如此話行藏容易身千里艱難淚萬  
行故鄉仍節序春艸又池塘別恨何從說詩成早  
寄將

紆軫吾難住羈孤汝自求不緣婚嫁累誰柰別離  
愁依舊垂空橐將無貫敝裘東湖黃犢在可擬服  
先疇

不忍回頭望心知掩淚歸此行人頗怪垂老計全



非山險戒乘騎杯寬防汗衣勉終朋好約白首聚  
荆扉

同程載錫自青陽策馬走大通山路四十里  
上下屢乘險旣至阻板橋地主潘克濟遣  
迎來人導至後灘小河鞭馬進不知淖也  
馬陷墮水力自拔起之主人易衣痛飲卽

事有作與潘

蓉城襍被朝來發疲馬谿山犯險行豈謂到門將  
偃息翻忘違淖忽欹傾衰容臘月泥中出病骨名

裘凍後輕向晚張燈對華饌蕭蕭簷雨作寒聲

荻港舟中

客路回天末年光過履端寸心離緒亂雙槳暮江  
寒有弟留他郡依人是冷官高風散連雁愁倚碧  
山看

過蕪湖

扁舟魯港凌朝霧一望蕪湖斷客魂急艣驚疑離  
水次峭帆驕蹇下天門開顏爲度嚴關易垂首曾  
愁權吏尊自作腐儒聞禦暴不知世變敢輕論

登太白樓

纔攀九子觀遺跡又泊寒磯上此樓仙客已披宮  
錦去長江空湧夜珠流難忘把酒馮陵地可憶舉  
旗戰伐秋勝事雄圖俱寂寞滄波滾滾夕陽愁

阻風采石

鶴鴟呼何急鼉鼉氣正驕帝州烟浩浩天塹景蕭  
蕭率意乘潮上無心去國遙會逢清旭閉惆悵度  
連朝

久晴屏翳怒雲雨亂寒空挾雪晨侵爨懸江夜打

篷大聲喧自北長路迴迷東奪險何年事千秋距  
躍雄

爲冬真不易俄頃雪都消澹日遭雲合餘陰作雨  
飄燕磯寧遠道牛渚又終朝篷底空高詠何人解  
見招

咫尺然犀浦無由策杖尋雪雲垂野暮神鬼聚江  
溪樹影流天地灘聲送古今百年稀利涉一笑倚  
微吟

雪霽見月

浮雲向晚散江干欲滿孤光吐雪殘不遣烟帆天  
際去爲留松樹月中看吳音楚語三更寂遠水他  
山萬里寒臘日已過猶客路獨餘清興未全闌

真州歸舟示載錫

牛渚蠟磯十日程聽君高詠送寒更連山積雪江  
頭下曲港殘冰月裏行客久且思瓜浦鴈家遙先  
盼廣陵城那堪南憶長天外無限離人歲暮情

舍弟尚留青陽

時

反自池州抵郡聞李四兄子鴈卽世嗷然而

哭

蕪城凍雪裏嚴霜凶問傳時向夕陽夢裏魂來江  
作塹天邊人返涕霑裳生涯到老窮難送世態歸  
壑死亦常猶憶平居無限事寒風舟夜益悲涼  
滿面冰花淚亂垂空天荒野不勝悲百年半過爲  
人目四序頻題哭友詩對酒今春猶自健傷心連  
夜枉相思海山此去吾親問莫道衰顏異昔時

去年自北平歸哭徐兄平音今年趙汝正劉存  
永汪蛟門吳萬子李四兄元水陳益公李郭如  
相繼逝



